

Liebi Ursula



Hüt wirsch Du 60 Jährli
Gsung , buschber u geng no schwarzi Häärli

Corona tuet verhindere äs grössers Fescht
Äs isch wie äs isch mit dere verruckte Pescht

Trotzdäm tüe mir hüt äs bitzeli fiere
Mit Tee, Wasser u Kaffi, da du nid gärn tuesch biere

Am 17. Februar 1961 bisch Du gebore
Was wär die Wäut ohn di, ganz klar, si wär verlore

Aus Frou Mensa bisch du wit ume bekannt
O wenn Du mit niemerem im Gymer bisch verwandt

Dini Mitmönsche kenne Di aus taffi Frou
Wo gärn tuet spasse, lache u das de ganz tou

Bügle tuesch ganz gärn
Egau ob Dehei oder ir Mensa hi z'Bärn

Dis ufgsteute Wäse tü mir aui sehr schetze
Bisch korräkt, fair u tuesch niemer verletze

Luegsch führe u bisch stets positiv
Gisch üs Zfriedeheit, Sicherheit wie ne äs Stativ

Ja, ja, liebi Ursula, Du bisch eifach dr Hit
Issisch gärn Süsses u mängisch o Pomme frites

U das nume wü wosch luege zu Dini Faute
Nume witer, gib Gas, so tuesch sicher nicht aute

Gniess Di Tag no u la Di la verwöhne
Gäu, bitte am Morge i Zukunft Dini Haar föhne

So wünsche mir Dir aus Guete, Gsundheit u viu Glück
Du bisch i üsem Stau z'beschte Stück

Blib wi de bisch u mach witer so
Egau ob ungerwägs, ir Mensa oder uf äm Klo

I däm Sinn stosse mir a uf Dini Gsundheit
Für witeri Jährli mit Dir zäme si mir bereit!



Gwatt, 17. Februar 2021

Stephan von Oetinger